

## 35. aðalfundur Landssambands smábátæigenda

### Tillögur til allsherjarnefndar frá svæðisfélögum

#### Efnisyfirlit

<i>Sérstakt veiðileyfagjald strandveiða</i> .....	2
<i>Hrygningarstopp</i> .....	2
<i>Reglugerðarhólf</i> .....	2
<i>Veiðiskylda</i> .....	3
<i>Lokun veiðisvæða</i> .....	3
<i>Humarveiðar og markaðssetningu grjótkrabba</i> .....	4
<i>Umhverfisáhrif veiðarfæra</i> .....	4
<i>Umgengni um auðlindina</i> .....	4
<i>Stjórn fiskveiða</i> .....	5
<i>Hrygningarstopp</i> .....	5
<i>Rannsóknir</i> .....	5
<i>Eftirlit</i> .....	5
<i>Öryggi sjómanna</i> .....	6
<i>Markaðir</i> .....	6
<i>Ráðgjöf Hafrannsóknastofnunar</i> .....	6
<i>Sjómannaafláttur</i> .....	6
<i>Viðskipti með aflamark</i> .....	7
<i>Þjónusta</i> .....	7
<i>Hvalveiðar</i> .....	7

## Sérstakt veiðileyfagjald strandveiða

1. Sæljón skorar á stjórnvöld að fella niður sérstakt gjald á virkjun veiðileyfa við strandveiðar. Afkoma veiðanna býður ekki upp á að þær séu skattlagðar sértaklega umfram gjöld til annarra veiða.

### Greinargerð

Þetta sérstaka gjald hefur verið lagt á frá upphafi strandveiða. Spurningar vöknudu strax og efasemdir um rættmæti slíkrar gjaldtöku umfram aðrar veiðar.

Því er það orðið löngu tímabært að t.d. stjórn Landssambands smábátæigenda krefjist þess af stjórnvöldum að tekin verði saman nákvæm greinargerð um það hvernig þessum fjármunum hefur verið ráðstafað, en ætla má að búið sé að greiða hátt í 300 milljónir í þessa sérstöku gjaldtöku.

2. Fontur leggur til að bryggjuskattur strandveiðibáta kr. 50.000 verði aflagður.

## Hrygningarstopp

3. Sæljón samþykkir að handfæraveiðar verði undanþegnar hrygningarstoppi.

## Reglugerðarhólf

4. Sæljón mótmælir harðlega enn og aftur þeirri ákvörðun að loka svæðum að fengsælum miðum við grásleppuveiðar í Faxaflóa vegna æðarvarps. Fundurinn krefst þess að 4. málsgrein 9. greinar í reglugerð um hrognkelsaveiðar nr. 202 frá 4. mars 2016 verði tafalaust felld úr gildi.

### Greinargerð

Fjórir æðarbændur nýta varp á litlum hluta þessa svæðis en hafa náð með „lobbýisma“ að koma þessu banni í gegn. Benda má á að athugun fór fram á fjölda æðarfugla sem komu í net, en þessi athugun var framkvæmd af sérstökum eftirlitsaðila utan þeirrar skráningar sem grásleppusjómenn sjálfir skrá. Fundurinn telur að skoða þyrfti breytingar á skipulagi grásleppuveiða

er gengu út á það að öll landsvæði byrjuðu veiðar á sama tíma. Þá telur fundurinn að Landssamband smábátaeigenda eigi að þrýsta á að hrognakaupendur gefi út verð sín viku áður að vertíð hefjist.

5. Snæfell krefst þess að reglugerðarhólf skuli opnuð tafarlaust og að sjávarútvegsráðuneytið skuli hafa samráð við heimamenn um lokanir.

## Veiðiskylda

6. Sæljón ályktar að Landssamband smábátaeigenda óski eftir því að sjávarútvegsráðherra fái heimildir til að geta veitt undanþágu á veiðiskyldu þeirra aðila sem lenda í alvarlegum veikindum eða óhöppum.
7. Snæfell leggur til að við mat á veiðiskyldu smábáta skuli tekið tillit til veikinda og vélabilana.

## Lokun veiðisvæða

8. Sæljón mótmælir harðlega öllum hugmyndum um lokun svæða fyrir handfæraveiðum eins og fram koma í skýrslu starfshóps um „faglega“ endurskoðun varðandi notkun veiðarfæra, veiðisvæða og verndunarsvæða á Íslandsmiðum.
9. Snæfell telur að ekki skuli beita reglugerðarlokunum eða skyndilokunum á handfæraveiðar.
10. Reykjanes leggur til að sæbjúgnaveiðar verði bannaðar innan 4ra mílna á svæði sem afmarkast af línu sem liggur í norður frá Garðskaga og þaðan í vestur að línu sem liggur vestur frá Stafnesvita.

### Greinargerð

Sæbjúgnabátar beita tveimur plógum, gríðarlegur þungi sem veldur mikilli röskun á lífríkinu. Öll fyrirstaða mulin niður. Því hefur verið haldið fram að sæbjúgað sé afar mikilvægt í fæðukeðjunni.

11. Reykjanes leggur til að óheimilt verði að stunda togveiðar innan 4ra mílna á svæði sem afmarkast af línu vestur úr Sandgerði suður og austur að Grindavík á tímabili frá 15. október til 5. maí.

12. Klettur leggst alfarið gegn reglugerðarlokunum sem fyrirhugaðar hafa verið á svæðinu frá Látraströnd og austur fyrir Flatey á Skjálfanda. Mikið af fengsælum fiskimiðum eru á þessu svæði og hefur mikið af vænum fiski skilað sér á land af þessum miðum að undanfögnu. Aðeins ein skyndilokun var á sl. sumri á svæðinu.

## Humarveiðar og markaðssetningu grjótkrabba

13. Sæljón vill kanna möguleika þess að heimila humarveiðar í gildrum í Faxaflóa samhliða veiðileyfi á grjótkrabba. Einnig skorar fundurinn á stjórnvöld að huga alvarlega að skaðsemi trollveiða á humri á lífríki sjávar. Út frá rannsóknum á skaðsemi trollveiða liggur það í augum uppi að ekki verði hægt að bjóða náttúrunni upp á slíkar aðfarir til lengdar. Humarveiðar í gildrum lágmarka áhrif á lífríki hafsins og auka nýtingu auðlindarinnar til muna.

### Greinargerð

Grjótkrabbi er ný nytjategund innan veiðilögsögu Íslands og finnst hann nú í miklu magni í Faxaflóa. Ljóst er þó að löng og kostnaðarsöm þróunarvinna er framundan í veiðum, vinnslu og markaðssetningu á grjótkrabba áður en nýting á honum verði arðbær. Ómögulegt er fyrir smábátaeigendur að standa straum af kostnaði við slíka þróunarvinnu.

Með því að heimila humarveiðar í gildrum upp að vissu marki samhliða veiðum á grjótkrabba væri hægt að dekkja hluta þess kostnaðar og hvetja útgerðarmenn til frekari þróunarvinnu við nýtingu á grjótkrabba, sem í framtíðinni yrðu sjálfbærar og umhverfisvænar veiðar.

## Umhverfisáhrif veiðarfæra

14. Sæljón skorar á umhverfisráðherra, Guðmund Inga Guðbrandsson, að beita sér fyrir því að gert verði umhverfismat á áhrifum veiðarfæra sem heimilt er nota á Íslandsmiðum á sjávarbotn og lífríki sjávar.

## Umgengni um auðlindina

15. Strandir hvetur útgerðarmenn smábáta að kalla til starfsmann Fiskistofu þegar um ónýtan afla er að ræða.

## Stjórn fiskveiða

16. Snæfell lýsir yfir fullum stuðningi við aflamarkskerfið.
17. Drangey mótmælir harðlega þeirri atlögu sem krókaaflamarkskerfið hefur orðið fyrir á síðustu vikum. Tekur fundurinn undir kröfu stjórnar LS um að sjávarútvegsráðherra gefi Fiskistofu nú þegar fyrirmæli um að ógilda allar tilfærslur veiðiheimilda úr krókaafلامarki yfir í aflamark þar sem makrill er notaður sem skiptimynt.

## Hrygningarstopp

18. Snæfell leggur til að hrygningarstoppi við Breiðafjörð ljúki 11. apríl ár hvert.

## Rannsóknir

19. Snæfell skorar á stjórnvöld að auka rannsóknir á lífríki Breiðafjarðar, sérstaklega ef auka eigi nýtingu þara úr firðinum, og hvaða áhrif hún hafi á lífríki Breiðafjarðar og viðgang fiskiseiða.
20. Smábátafélag Reykjavíkur skorar á LS að sækja um styrk hjá AVS til rannsókna á áhrifum handfæraveiða á hegðun hrygningarfisks annars vegar og hversu mikill hluti smáfisks drepst við sleppingar af handfærum.
21. Félag smábátæigenda á Austurlandi krefst þess að áhrif veiða á sæbjúgum á botndýr og botn verði rannsakaðir hið fyrsta, telur fundurinn að áhrif veiðanna séu töluverð. Sem dæmi er lágmarkspýngd sæbjúgnaplógs eitt tonn.

## Eftirlit

22. Snæfell mótmælir harðlega öllum hugmyndum um myndavélaeftirlit utan hafna.
23. Strandveiðifélagið Krókur vill að sjálfvirkur eftirlitsbúnaður sé virkur þegar farið er frá landi og þegar komið er í land.

24. Árborg leggur til að drónaefirlit með smábátum verði óheimilt nema með dómsúrskurði þar sem fyrir liggur rökstuddur grunur um alvarlegt brot.
25. Drangey hvetur LS til að fara ofan í saumana á verðmyndun á grásleppu með það að markmiði að hún verði gagnsærri en nú er og að gerðir verði samningar milli kaupanda og seljanda grásleppuafurða.

## Öryggi sjómanna

26. Snæfell telur brýnt að efla öryggi sjómanna.
27. Snæfell skorar á Samgöngustofu að setja þau skilyrði fyrir fullgildu haffæri að skip séu rétt skráð inn í AIS.

## Markaðir

28. Snæfell skorar á sjávarútvegsráðherra að reyna með öllum ráðum að opna fyrir viðskipti við Rússland hið fyrsta.

## Ráðgjöf Hafrannsóknastofnunar

29. Smábátafélag Reykjavíkur bendir á þá staðreynd að fyrir daga kvótakerfisins voru hástemmdar yfirlýsingar Hafrannsóknastofnunar um 450-500 þúsund tonna afla í þorski, yrði tillögum hennar hlýtt. Nú, 35 árum síðar hefur margsinnis sýnt sig að tilraunastarfsemi Hafró hefur mistekist með öllu. Því ber brýna nauðsyn til þess að vinnubrögð og stefna stofnunarinnar sé tekin til gagn Gerrar endurskoðunar.

## Sjómannaafsláttur

30. Árborg hvetur til þess að sjómannaafslátturinn verði endurvakinn.

## Viðskipti með aflamark

31. Farsæll hvetur sjávarútvegsráðherra að setja reglur sem tryggja að markaðslögmál ráði í krókaafلامarksviðskiptum. Augljós markaðsbrestur er þegar langtíma skortur er á veiðiheimildum, óháð verði. Tryggja verður að kvótalitlir, kvótalausir og nýliðar geti haft eðlilegan aðgang að veiðiheimildum þar sem verð aðila mætist í jöfnuði framboðs og eftirspurnar.

## Þjónusta

32. Drangey ítrekar fyrri samþykktir sínar um tafarlausar úrbætur á hafnarmannvirkjum á Hofsósi. Vegna fjölgunar báta er nauðsynlegt að bæta við leguplássum í höfninni, fjölga rafmagnstenglum, útbúa aðstöðu fyrir móttöku á úrgangsolíu og síum svo og rafgeymum og að klæða bryggjuna betur. Þá er mikilvægt að höfnin uppfylli reglugerð um slysavarnir og öryggisbúnað í höfnum t.d. hvað varðar stiga við löndunarkrana og frágang á bryggjukanti.
33. Drangey fagnar tilkomu fiskmarkaðar á Sauðárkróki og þeirri bættu þjónustu við smábátaútgerð á staðnum sem því hefur fylgt.

## Hvalveiðar

34. Elding styður og hvetur til hvalveiða.
35. Félag smábátæigenda á Austurlandi skorar á Kristján Loftsson að halda áfram hvalveiðum.